

Sra. Daphny Martijn den preparacion pa Sra. Carnaval pa Carnaval 56



ORANJESTAD – Daphny no ta un desconoci pa eleccionnan di reina, y awor representando Dushi Carnival Group Daphne ta purbando pa conquista e corona tan cotiza esta Sra. Carnaval.

Na 1975 Daphny a competi pa e reina di Club Huis De Trupialen y a bira e prome

finalista di e eleccion. Durante di e mesun aña Daphny a participa den Festival di Canto cu De Trupialen y a keda na di tercer lugar. 1975 tabata un aña grandi pa Daphny ya cu e aña aki el a participaden e eleccion di Miss Teenage Oranjestad unda cu el a bay cu e premio di Miss Amistad.

Pero ta na 1977, Daphny ta logra e corona maximo durante di eleccion di reina di Hubenil di Oranjestad y ta wordo corona como reina hubenil. Na 1979 ta tuma luga e eleccion di Miss Teen Princess, unda cu Daphny ta participa y ta bay cu e titulo di Miss Amistad. Durante di e mesun aña aki Hans Geerman ta organiza eleccion di Miss talento Aruba unda Daphny ta participa y gana e titulo maximo di Miss Talento 1979. Daphny a presenta e cancion 'Thank u for the Music' di ABBA y a wordo acompaña riba piano pa Hilduard Croes. Mes ora Daphny a haya invitacion pa bay presneta na Miss Teenage Bonaire durante di e actividad aki.

1981 tabata otro aña grandi pa Daphny mirando cu e ta subi stage un biaha mas pa participa den e eleccion di Reina Grandi di Oranjestad.

Y cu su trmendo carisma y bon presentacion ta bay cu e corona un biaha mas na 1981 birando asina Reina Grandi di Oranjestad. Durante di eleccion tambe Daphny a causa masha furor halando atencion di tur esnan presente. E mesun aña aki Daphny ta participa na e festival di O.T.I. Aruba den Sheraton Hotel cantando 'Esta Vez' y bay cu e titulo di e cantante mas popular. For di 2002 Daphny ta modelando tambe pa e cas di modelahe mas prestigioso na Aruba di e boutique di Trash by Rochi / Beauty Team como un modelo plus size. Na 2005 mientras cu Daphny tabata apoyando su yiu homber na wega di basket ball na Aruba Juniors, el a haya e oportunidad pa papia cu Prins Albert di Monaco, esaki sigur tabata un oportunidad cu Daphny no a laga pasa. Na Economiche Zaken durante di nan fiesta di Carnaval na 2006, Daphny ta gana e premio di trahe mas original na unda cu el a decora cu trahe cu saco di hariña pan y otro adornonan. Pero ta 2009 ta bira e aña mas special. Aki ta caminda cu Daphny a conoce su berdadero Prins cu ta dEfrain Kelly dia 30 di October y e mesun anochi aki tambe nan ta corona



e como Sra. Carnaval 2010 pa Dushi Carnival Group. Un soño cu su tata Freddy Martijn, awe den feliz memoria tabata tin di por a mira su unico yiu muher participa den e eleccion



di Sra. Carnaval 2010. Y e aña aki dia 3 di Februari e lo participa den e eleccion di Sra. Carnaval 2010 cual

lo tuma lugar den Aruba Entertainment Center na Oranjestad y Daphny lo ta representando Dushi Carnival group. Cu e apoyo di su grupo, su mama, yiu, su enamorado y tur cu conoce y henter su famia e ta sigur cu e anochi aki lo ta uno inolvidable. Hopi exito!

